



Vigdís Finnbogadóttir, ásamt kjördóttur sinni Astríði, ræðir við fréttamenn DB á heimili stnu í morgun. DB-mynd: Bj. Bj.

**Fyrsti kvenframbjóðandinn í forsetakosningum á Íslandi:**

# Vigdís gefur kost á sér í forsetaframbjóð

„Ég gef kost á mér til forsetaembættisins af nákvæmlega sömu ástæðu og ég tók að mér starf leikhússtjóra Leikfélags Reykjavíkur fyrir rúmum átta árum. — Ég var hvött til þess. Reynslan hefur líka kennt mér að mér vex ásmegin þegar út í starfið kemur,“ sagði Vigdís Finnbogadóttir leikhússtjóri í viðtali við DB í morgun.

Hún hefur ákveðið að gefa kost á sér til embættis forseta Íslands í komandi kosningum.

— Örtastu ekki að sú staðreynd að þú ert kona geti háð þér í forsetaembætti?

„Nei — það skiptir engu máli.“

— Nú ert þú ógift?

„Já, en ég hef hingað til komiz af í opinberu lífi — veizlum og öðrum samkomum án herra mér við hlíð.“

— Var þetta erfitt ákvörðun?

„Nei, raunverulega ekki. Að visu þá hló ég að þessari hugmynd í fyrstu en það hefur breytzt. Ég hef fundið það svo áþreifanlega að margir vilja stuðla að kjöri minn Éminnig hef ég ráðfæri mig við vini mína sem ég treysti. Eg er alveg ákveðin.“

Vigdís Finnbogadóttir er fædd í Reykjavík árið 1930. Hún kenndi við Menntaskólann í Reykjavík og Menntaskólann við Hamrahlíð 1962 til 1972 en þá tók hún við starfi leikhússtjóra hjá Leikfélagi Reykjavíkur. Hún stundaði nám við Háskóla Íslands, í Frakklandi, Danmörku og Svíþjóð og nam frönsku, ensku og leikhúsfraeði. Vigdís á eina kjördóttur, Astríði, sem er sjö ára gömul. —ÖG.